



Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav 2. Zakona o upravi ("Službeni glasnik BiH", broj 32/02), direktor Uprave za indirektno oporezivanje Bosne i Hercegovine d o n o s i

INSTRUKCIJU O UVJETIMA I NAČINU IZDAVANJA POTVRDE O DIREKTNOM TRANSPORTU

GLAVA I. UVODNE I ZAJEDNIČKE ODREDBE

Član 1. (Predmet)

Ovom Instrukcijom se detaljnije propisuju uvjeti za izdavanje potvrde o direktnom transportu, podnošenje zahtjeva, prilaganje potrebne dokumentacije, carinski nadzor i evidencija.

Član 2. (Direktni transport)

„Direktni transport" je tranzit preko teritorije Bosne i Hercegovine bez pretovara ili privremenog uskladištenja robe, osim ako je roba u tim situacijama ostala pod carinskim nadzorom.

Član 3. (Pravni osnov)

Oblast koja je predmet ove Instrukcije je regulirana:

a) odredbama člana 13. Protokola 2 o definiciji pojma "proizvoda s porijeklom" i načinima administrativne suradnje, koji je sastavni dio Privremenog sporazuma o trgovini i trgovinskim pitanjima između Evropske zajednice i Bosne i Hercegovine ("Službeni glasnik BiH" – Međunarodni ugovori, broj 5/08).

b) odredbama člana 13. Protokola o definiciji pojma "proizvoda s porijeklom" i načinima administrativne suradnje, koji je sastavni dio bilateralnog Ugovora o slobodnoj trgovini između Bosne i Hercegovine i Republike Turske ("Službeni glasnik BiH" – Međunarodni ugovori, broj 6/03) i

c) odredbama člana 13. Aneksa 4 Protokola o definiciji pojma "proizvodi s porijeklom" i načinima administrativne suradnje Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006), ("Službeni glasnik BiH" – Međunarodni ugovori, broj 9/07).

GLAVA II. POSTUPAK IZDAVANJA POTVRDE O DIREKTNOM TRANSPORTU

Član 4. (Izgled i sadržaj Zahtjeva i Potvrde)

Izgled i sadržaj Zahtjeva za potvrdu o direktnom transportu (u prvom dijelu) i Potvrde o direktnom transportu (u drugom dijelu), propisani su na Obrascu I, koji čini sastavni dio ove Instrukcije.

Član 5. (Podnošenje zahtjeva)

- (1) Popunjen Zahtjev za Potvrdu o direktnom transportu na Obrascu I, zajedno s prijevoznom prijavom, podnosi pošiljalac robe nadzornoj carinskoj ispostavi u dva primjerka.
- (2) Zahtjev sadržava slijedeće podatke:
 - a) precizan opis robe,
 - b) datum istovara i ponovnog utovara,
 - c) podatke o transportnom sredstvu i
 - d) opisane uvjete u kojima se roba nalazila.

Član 6. (Postupak nadzorne carinske ispostave)

- (1) Nadzorna carinska ispostava, ukoliko ocijeni da su ispunjeni uvjeti propisani članom 5. stav (2) ove Instrukcije, ovjerava Potvrdu, oba primjerka, od kojih jedan primjerak vraća podnosiocu zahtjeva, a drugi arhivira.
- (2) U slučaju upotrebe TIR Karneta nadzorna carinska ispostava, ukoliko ocijeni da su ispunjeni uvjeti propisani članom 5. stav (2) ove Instrukcije, ovjerava Potvrdu i jedan primjerak vraća podnosiocu zahtjeva, a drugi primjerak arhivira zajedno s kuponom lista 2 (zelene boje).

Član 7. (Postupak naknadnog izdavanja)

- (1) Nadzorna carinska ispostava, koja raspolaže sa svim podacima u vezi s pošiljkom koja je bila u tranzitnom postupku preko teritorije BiH, može naknadno izdati potvrdu o direktnom transportu.
- (2) Zahtjev za naknadno izdavanje Potvrde o direktnom transportu pošiljalac robe podnosi nadzornoj carinskoj ispostavi, u dva primjerka.
- (3) Nadzorna carinska ispostava, ukoliko ocijeni da su ispunjeni uvjeti iz člana 5. stav (2) ove Instrukcije, ovjerava potvrdu, na kojoj upisuje riječi "naknadno izdano" i jedan primjerak vraća podnosiocu zahtjeva, a drugi arhivira.

Član 8.
(Postupak izdavanja potvrde za robu u skladištu ili u slobodnoj zoni)

(1) U slučaju da je roba bila u postupku carinskog skladištenja ili je bila uvezena u slobodnu zonu, Potvrdu o direktnom transportu izdaje nadzorna carinska ispostava.

(2) Nadzorna carinska ispostava, ukoliko su ispunjeni uvjeti iz člana 5. stav (2) ove Instrukcije, ovjerava potvrdu u tri primjerka, od kojih jedan primjerak vraća pošiljaocu robe, drugi vraća skladištu ili slobodnoj zoni, a treći arhivira.

Član 9.
(Odbijanje zahtjeva)

(1) Nadzorna carinska ispostava ne ovjerava potvrdu o direktnom transportu, kao ni potvrdu o naknadnom izdavanju, ako ustanovi da:

- (a) su carinska obilježja bila oštećena,
- (b) da je pretovar robe bio izvršen bez dozvole carinskog organa ili bez carinskog nadzora,
- (c) da je roba bila uskladištena u skladištima koja nisu pod carinskim nadzorom ili,
- (d) u svim drugim slučajevima ako roba nije bila na propisan način pod carinskim nadzorom.

(2) Šef nadzorne carinske ispostave, u postupku odlučivanja po zahtjevu za potvrdu o direktnom transportu, u slučajevima navedenim u stavu (1) ovog člana, donosi odluku o odbijanju zahtjeva u skraćenom postupku, u vidu zabilješke.

Član 10.
(Nadzor i evidencija)

- (1) Nadzorna carinska ispostava vodi evidenciju izdatih Potvrda o direktnom transportu.
- (2) Evidencija treba uključivati: naziv regionalnog centra, naziv i šifru carinske ispostave, redni broj i datum izdate potvrde, evidencijski broj i datum izlaza robe iz carinskog područja BiH.

Član 11.
(Čuvanje dokumentacije)

Nadzorna carinska ispostava čuva potvrde o direktnom transportu zajedno s dokumentima koji su bili osnov za njihovo izdavanje, tri godine.

GLAVA III. PRIJELAZNE I ZAVRŠNE ODREDBE

Član 12.
(Sastavni dio)

Sastavni dio ove Instrukcije čini Obrazac I.

Član 13.
(Primjena instrukcije)

Ova Instrukcija se počinje primjenjivati osmog dana od dana objave u "Službenom glasniku BiH", a bit će objavljena i na web stranici Uprave za indirektno oporezivanje Bosne i Hercegovine.

Broj: 02-2 507/09
Datum: 04.02.2009. godine

DIREKTOR
Kemal Čaušević

OBRAZAC I / APPLICATION FORM I

ZAHTJEV ZA POTVRDU O DIREKTNOM TRANSPORTU
REQUEST FOR CERTIFICATE OF DIRECT CONSIGNMENT

Na osnovu Zakona o upravnom postupku BiH („Službeni glasnik BiH”, br. 29/02, 12/04, 88/07), podnosimo zahtjev za Potvrdu o direktnom transportu za dole navedenu robu:

By virtue of the General Administrative Procedure Act (“Official Gazette of BiH No. 29/02, 12/04, 88/07”), we apply for certificate of direct consignment for the goods referred below:

opis robe.....
description of goods

predočeno carinskoj ispostavi....., dana
were presented to the BiH Customs office date

prijevozno sredstvo (vrsta i reg. oznake)
on the means of transport (mode and reg. No.)

istovareno, dana: utovareno, dana:
unloaded (date) loaded (date)

na prijeznom sredstvu (vrsta i reg. oznaka)
on the means of transport (mode and reg. No.)

u pakovanju br. vrsta pakovanja
in packages No kind of packages

oznake bruto težina kg
marks gross weight

vlasništvo..... iz
being the ownership of from

prešla carinsko područje BiH, bila pod carinskim nadzorom i na njoj nisu bili vršeni drugi postupci osim pretovara, ponovnog utovara ili postupaka za očuvanje robe u dobrom stanju.
were in transit through the BiH territory, being under the customs control and have not undergone operations other than unloading, reloading or any operation designed to preserve them in good condition

od dana do dana
from to

i napustit će/ la BiH preko graničnog prijelaza
and left the Community via the Customs office

Povrda se izdaje na zahtjev (ime, puna adresa)
The Certificate is issued at the request of (name, full address)

.....

..... Mjesto i datum.....
Potpis/signature Place and date

POTVRDA O DIREKTNOM TRANSPORTU
CERTIFICATE OF DIRECT CONSIGNMENT

Bosna i Hercegovina
Uprava za indirektno-neizravno oporezivanje



Босна и Херцеговина
Управа за индиректно опорезивање

Potvrđujemo tačnost gore navedenih podataka:
It is hereby certified that the particulars above are accurate:

Regionalni centar.....
Customs Directorate

Carinska ispostava
Customs Office

Račun/No.:

Datum/Date:

Evidencijski broj, datum:.....
Reg. No, date:

Pečat i potpis šefa carinske ispostave
Stamp of issuing Customs office and signature